

perera.
i i'oa,
acoma,
(k), no
son o

te hoê
aitaua

tatou
eira no
oia e, e
paohia
i reira.
ti.

outupu-
Alanati,
e heru,
Ja rave
tu i te
taman-
Mo'a i
o Me, i
ra e te
iho te
te reira



Te Avae Tiunu 1955

TE HEHEURAA API

Te Taeraa o te Pahi i te Hoê Fenua Api.

Mai te au i tei papaihia a'eni, ua tupu te diluvî i nia i te fenua, e ua na o mai te parau papai e, ua vai tamau noa te mau pape, i nia i te fenua, no'na mahana e 150 ra, e i reira "Huamana'o i hora te Atua ia Noa, e te mau taata atoa i roto i te pahi ra. Faatupu i hora te Atua i te hoê matai rahi i nia i te fenua ia pahee taua pape ra. Ua opani atoa-hia hoi te u'a e te mau pape rarahi ra, e haere e atura te mau pape no nia i te fenua ra.

Uiraa 1. Eaha te maoro o to te pahi painu-noa-raa a tae atu ai i nia iho i te tahi afa o te ao nei?

Pahonora Ua painu noa taua pahi ra no na ava'e e pae ra.

Uiraa 2. I hea to te pahi maura? Ua itea hia a'enei te mahana i mau ai oia ra?

Pahonora Ua mau taua pahi ra i nia i te hoê tufaa no te hoê mou'a teitei roa e mau atura i reira. I roto i te Bibilia na parahiia taua mou'a ra i te i'oa o Ararata.

Te mahana i mau ai taua pahi ra, o te ahuru ma hitu ia o te mahana no te hitu o te marama ra.

Uiraa 3. Eaha te maoro to Noa ma iteraa i te mau mou'a i pihaiho ia ratou, i muri a'e i to te pahi iriraa?

Pahonora Te na ô maira te papairaa mo'a e: "Te iti noa ra taua pape ra, e tae a'era i te ahuru o te marama ra; e itea hia i hora te upoo mou'a i te mahana matamua o taua marama hoê ahuru ra." (Genese 8:5.)

Api.

Uiraa 4. Eaha te ohipa ta Noa i rave i muri a'e i na mahana e maha ahuru i muri a'e i to ratou iteraa i te mau upoo mou'a?

Pahonoraa Ua iriti a'era o Noa i te hoê haamaramarama i hamanihia e ana no taua pahi ra. Ua tuu atura i te hoê oreba, tei mauê ê atu, e ua mauê mai, e papa roa a'era te pape i nia iho i te fenua nei." (Genese 8:7-8.)

Uiraa 5. E ohipa rahi faahiahia tei tupu i te mahana matamua o te matahiti. Eaha taua ohipa ra?

Pahonoraa I te mahana matamua o te matahiti (o te mahana matamua ia o te ava'e matamua o te matahiti i tae ai o Noa i te 601 raa o to'na matahiti), ua tanturubia taua patereareha rahi, e ta'ua mau tamarii, i te iritiraa i te tapoi o te pahi. Tia'tura ia ratou ia ite maitai e, ua papamaro roa te fenua.

Uiraa 6. I to Noa iteraa e, ua maro te fenua, ua faarue anei oia i te pahi? No te aba?

Pahonoraa Aita o Noa i tuu atu i te mau puaa, e te mau manu, i rapae au i te pahi. Ua tia'i noa oia i te hoê heheuraa. Aita roa oia i faarue i te pahi e tae noa'tu ua faaue mai te Atua, ia'na, ia na reira. Ua faaamu e ua haapao o Noa i te mau puaa e te mau manu, i roto i te pahi, no na mahana e bitu ahuru ra. E i muri a'e i na ava'e e piti tae maira te faaueraa a te Atua. Ua pau atura e hoê matahiti e e toru mahana, mai te mahana i haamata'i te diluvi, e ua na ô mai te Atua i te parauraa mai ia Noa: "A haere na i rapae i te pahi, o oe, to vahine, e to mau tamarii, e na vahine a to mau tamarii atoa ra; e ua tuu atoa hoi i te mau mea ora atoa na e rave rahi te huru." (Genese 8:15.)

Te Vai atura

Ua Fâ Mai Te Atua Mai Te Ra'i Mai

[Exodo 19, Buka Poe Tao'a Rahi. Mose 1:7]

Oti a'era to Mose aparauraa i te Atua ra ia Iehova, ho'i atura Oia i To'na ra feia, no te faaite atu ia ratou i te mau mea ta Iehova i parau mai la'na ra. Oia mau ia, i te toru o te mahana, ei reira ia te Atua iho e tae mai ai i nia i te mon'a. i mua i te mata o te mau taata no te horoa mai ia ratou i te mau faaueraa. Ei tana taimé ra o te hopea ia i te toru o te avae o to ratou tere i roto i te medebara, e inahara, ia tae ihora ratou i te hopea o te fenua Aiphiti, oia ia i te hiti o te fenua i parahiia ra o Kanaana, e i te pae apatoeran hoi i te miti Mediterane, e i te pae apatoa hoi i te Miti Utente, e tei ropu hoi teie na miti i te fenua, e ua haafihia hoi teie fenua i te pae ani, e te pae atane te miti utente. E no roto mai hoi i te pae auí, i aratai maerehia mai ai ratou e te Atua ra.

A tere ai ratou i to ratou ra tere, ua tae atura ratou i te hoê mon'a, tei parahiia, Sinai. E ua pii noa hoi te feia tahito ra i teie mon'a, o Horeba, e tana na i'oa ra tei roto atoa ia i te Bibilia. E o teie hoi ia te mon'a ta te Atua e fâ mai. E ua faane atura o Mose ia faatia i te hoê paruru i te hiti o tana mon'a ra ia ore hoi te taata ia faafatata mai i te reira. E o tei faafatata mai i tana mon'a ra, e pohe ia oia, o ta Mose ia i parau atu ia ratou.

E ua faane atoa'tu Mose ia ratou ia pua i to ratou mau ahú, ia faahopu maitai i to ratou ra mau tino, e ia faanehehe hoi i to ratou mau aua, e ia tamâ atoa'tu i te reira, e ia faanahonaho maitai hoi no te toru o te mahana. E ua parau faahou atura Mose ia ratou, ia haapao maitai ontou i

teie m
ei mat
te fem
e te m
te hoê
rahi ro
te reo,
atoa ra
tupu i

te mau
hoi, i t
i faatia
mata
i te m
na ite
ratou
te reo
tana m
tana at
na rahi
fâ mai
te ra'i
o tana
No reir
Atua, i

te Atua
ia te b

ai
 Iehova,
 tou i te
 ia, i te
 ai i nia
 roa mai
 opea ia
 e ina-
 i, oia ia
 ae apa-
 hoi i te
 ua haa-
 nteute,
 ai ai ra-
 a ratou i
 oi te feia
 tei roto
 Atua e fâ
 rururu i te
 mai i te
 e ia oia,
 to ratou
 e ia faa-
 te reira,
 E ua
 outou i

teie mau faaueraa, e farii mai te Atua ra o Iehova ia outou ei mau tamarii Na'na ra, e e aratai hoi Oia ia outou i roto i te fenua i parauhia ra, ei reira, e riro ai outou ei feia puai, e te maua rahi hoi. E faaherehere mai hoi Oia ia outou mai te hoê tao'a rahi, e e faariro atoa hoi Oia ia outou ei nunaa rahi roa. E i reira ihoa, na pahono maira te mau taata ma te reo, e ma te aau oaoa, i te na o'raa mai e, o ta te Atua atoa ra i parau e na reira ia matou. E taua parau ra, ua faa-tupu ia i te oaoa rahi o Mose.

I te toru o te mahana, ua haaputuputu maira Mose i te mau taata, e ua aratai'atura ia ratou i te pae avae, oia hoi, i te tumu o te mou'a ra o Sinai, e i mua hoi i te paruru i faatiahia i reira e Mose ra. E a nana ai ratou i to ratou mata i nia, ua ite atura i te hoê ata rahi tei faaea noa i nia i te mou'a, e ua faaroo atoa ihora ratou i te haruru patiri, e ua ite atoa hoi ratou i te anapa uira, e ua tupu roa hoi to ratou mata'u rahi. Ei reira atoa, ua oto mai te hoê pu ma te reo puai, e na tupu atoa maira te hoê auahi rahi i nia i taua mou'a ra, ei reira ihoa, na fâ maira te Atua na roto i taua auahi rahi ra, e ua auene ihora te fenua ma te rurutai-na rahi. E tupu paha te mana'o e, eaha te tumu te Atua i fâ mai ai na roto i te auahi? O teie ia, te ora nei te Atua o te ra'i ra i te hoê vahi hanahana roa, e no te hanahana rahi o taua vahi ra, aita tura ia e nehenehe ia tatou ia ora i reira. No reira, e pau ihoa ia te taata i mua i te hanahana o te Atua, no to'na ra viivii.

E hoê noa iho ravea e farerei ai te taata tahuti noa i te Atua i roto i To'na ra hanahana oia hoi, ia tae mai ihoa ia te hanahana o te Atua i nia ia'na, e ia faahuru-ê-hia ia

oia. Ei reira, e tia ia ia'na ia ite, e ia paraparau atu hoi Ia'na ra.

I te tahi taime, ua haamaramarama mai Mose i teie ohipa ma te parauraa mai e, "Ua ite to'u mata i te Atua e To'na ra hanahana, eiaha ra to'u mata tahuti nei, to'u ra mata varua ra tei ite roa'tu. i te mea hoi e, e pau te mata tahuti nei ia hi'o atu Ia'na, oia ia, tei nia ia'u To'na ra hanahana, e ua ite hoi au i To'na mata, no te mea hoi, i faahuru-ê-hia vau i mua Ia'na ra." Ua na reira atoa hoi o Enoha, ua haere oia i nia i te hoê mou'a, e ua ite atura oia i te Atua, e na na o maira oia e, "Ua vevetehia te ra'i, e ua tae mai te hanahana o te Atua i nia ia'u, e ua ite mata hoi au Ia'na, e ua tia atoa hoi Oia i mua ia'u, e ua paraparau mai hoi Oia ia'u mai te taata e paraparau i to'na ra hoa

I roto atoa i te hoê beheuraa ia Iosepha Semita, ua haapapu mai te Atua ia'na i te na oraa e, "Aita e taata i te i te Atua i te pae tino, maori ra, ia faahuru-ê-hia ia oia e te Atua ra, e aita atoa hoi e tia i te hoê taata tahuti e ora i mua i te aro o te Atua ra."

Ia'na i fâ mai ai i nia i te mou'a ra o Sinai, na pau ihora te mau mea atoa i reira i To'na ra hanahana i nia i te mau taata e no reira, aita'tura e nehenehe ia ratou ia ite mata'tu i te Atua.

Area o Mose ra, ua faaêa noa mai ia te hanahana o te Atua i nia iho ia'na ana'e, i ite mata ai oia i te Atua, e i paraparau atoa'tu ai hoi oia i te Atua.

Papaihia e Reri Orometua

Te A'oraa a te Peropheta Davida O Mckay I PAPEETE I TE 19 NO TENUARE 1955.

*“Hinaaro vania Oe, i te mau hora, Faaea mai
na ia'u. E ore te mana o te faahemaraa
ia fatata mai Oe ia'u.”*

Maururu roa no to outou himeneraa mai i teie nei
himene tei au roa hia e na nei.

Ua riro teie nei mahana ei mahana ohipa rahi roa, te
hoê o te mau mahana ohipa rahi a'e i muri a'e i to'u faarue-
raa i te oire ra o Suva. Ua riro teie nei mahana ei mahana
haahana, te farereiraa i te mau hoa api, te faa-i-raa i te
mau parau faaan, te hi'opoaraa i te mau ohipa e rave rahi
no nia i te faatereraa i te Misioni Tahiti, e inaha, i teie nei,
te fatata mai nei te tau e hope ai to matou faaearaa i Tahiti
nei.

Ia hi'o vau i muri i teie nei mahana ohipa rahi te vai
nei-te tahi oto rii i roto ia'u nei. I te tahi taime, i te avatea
nei, ua faaite mai te Peretiteni ra o Leri Caldweil e, te vai
nei ua taata e piti, tei pohe i te ma'i, tei roto hoi raua i te fare
ma'i o tei hinaaro ia farerei ia matou, e ua faaroo atoa hoi
au e te vai atura te tahi pae o tei hinaaro ia haamaitaibia
ratou, ua pahono atu to'u nei mafatu i te reira mau titauraa,
aita ra ta'u e ravea no te mea ua poto te hora. E ia oti teie
nei putuputuraa e rohirohi roa ia vau e eita'tura e tia i to'u
nei tino ia tae i fare ma'i e ia haamaitai hoi i teie mau feia,
no reira te hinaaro nei au i te faatia i teie nei mau orometua,
tei mau i te Autahu'araa Mo'a ra, ia pahono atu i te aniraa
a taua mau feia ra e ia haamaitai atu ia ratou ra. I teie nei
ra, e parau atu vau, mai ta'u i parau atu i te tahi mau Feia
Mo'a maitai i Samoa, ia tae faahou vau i to'u utuafare, e

ia farerei faahou vanu i te mau melo no te Pupu Ahuru ma Piti Aposetolo i roro i te Hiero, e faatupu ia matou i te hoê pureraa taa ê no te mau Feia Mo'a i Tahiti nei, i Samoa, i Nin Zelani, i Tonga e i Australia hoi, e ua papu roa ia'u e, e faaroo mai te Fatu i ta matou pureraa e e haamaitai Oia ia outou o tei imi mau Ia'na na roto i te faaroo.

E i teie nei, a papu ai au e, e faarue atu vanu ia outou, ua aifaito mau â vanu i te taure'are'a tane o tei aroha'tu i to'na hoa here, i te po, "te faarue atu ia oe e oto monamona mau te reira, no reira te hinaaro nei au i te aroha'tu ia oe e tae noa'tu i te poipoi." Tera ra, honu a'e au arave ai i te reira te hinaaro nei au i te tuuatu i te hoê paran tei vai i roto i to'u nei mafatu. Te hinaaro nei au i te faaite atu i te reira, na roto i to outou iho reo, aita ra ta'u e ravea, no reira te tiaturi nei au e, e tuu atu te Peretiteni ra o Leri Caldwell i te reira ia outou, i roto i to outou na reo, mai ia'u e tuu atu nei i te reira, ia'na i roto i to mau nei reo.

1,800 matahiti e tiahapa i mairi a'enei, ua haere atu te hoê aratai o te Ati Iuda ia Iesu i te tuiaraa po,. Te haapii ra, e te haamaitai ra o Iesu i taua mau mahana ra e ua faaroo hoi o Nikodemo Ia'na i te haapiiraa'tu e ua ite atoa hoi i te mau semeio tei ravehia e Iesu ra. E Pharisea taua taata ra o Nikodemo, e te tiaturi ra te mau Pharidea e, e ora faahou â te taata i muri a'e i te poheraa. Te mana'o nei au e, ua putapu te aanu o Nikodemo i to'na faarooara i te haapiiraa a Iesu e ua noaa paha ia'na te faaiteraa e, no te ra'i mai o Iesu. Oia mau, a farii ai o Iesu ia haere mai o Nikodemo e farerei ia'na ra, teie ia ta'na i paran: "E Rabi, ua ite matou e, e orometua oe mai o mai i te Atua ra: e ore hoi teie mau tapao ta oe e rave nei e tia i te taata, auaa te Atua ra."

taata i
Atua
paari,
o Iesu
oia e o

maere
ra, e f
"Te fa
oe i to
ana ra
Varua

nei ao
roto m
tatou,
fanau
parau
raa e f
i te rei
te Eua
huru o
o te m
tamari
te paa
O te tu
hoi, no
e mea

Ua parau atura Iesu ia'na, na o atura: "Ia ore te taata ia fanau faahou ra, e ore oia e ite i te Basileia o te Atua ra." E maere atura o Nikodemo e, nahea oia, e taata paari, e tia ia fanau faahouhia, e i reira parau faahou atura o Iesu: "Ia ore te taata ia fanau i te pape e Varua, e ore oia e o i te basilaiia o te Atua."

Noa'tu e, e Tavana o Nikodemo no te Ati Iuda, ua maere noa oia, aita roa i tia ia'na ia feruri i nia i te parau ra, e fanau faahou, no reira o Iesu i parau faahou atu ai: "Te farara nei te mata'i i ta'na vahi i hinaaro ra, e te itera oe i to'na harnuru, eita ra oe i ite i te vahi e haerehia'tu e ana ra; mai te reira atoa hoi te taata tei fanauhia e te Varua."

Mai teie nei mau tamarii rii o tei tae mai, i roto i teie nei ao, no o mai i te Metua ra, o tei haere mai i te ao nei na roto mai i to ratou ra mau metua vahine, mai te reira'toa tatou, o tei paari, ia haere mai i roto i te ekalesia nei, ia fanau faahouhia ihoa tatou e tia'i. Te hinaaro nei au i te parau atu ia outou no nia i te parau ra, no te fanau faahou-raa e faahuru e i te huru o to tatou mau oraraa e tei faatano i te reira i te oraraa o te Mesia. No reira, i poro haere hia te Evanelia i to te ao atoa nei, i teie nei; no te tauraa i te huru o te oraraa o te mau taata, ia faahau atu i te nehenehe o te mau vahine i to ratou huru i te matamua ra, e te mau tamarii rii o tei fanauhia i roto i te viivii ore e o te haere i te paari raa, ei tane e ei vahine, i roto i te hoê oraraa api. O te tumu te reira i tae mai ai o Iesu i nia i te ao nei, oia hoi, no te tauraa i te huru oraraa o te taata nei.

Mai te mea, e mea ino te taata, e mea taehae te taata, e mea innava te taata, mai te mea eita e tia ia tiaturi i te

taata, i roto i te ravaraa ohipa, māi te mea eita te taata e tia ia riro ei metua tane maitai, e mea tia roa ia haere atu te evanelia i roto i to ratou mau oraraa e ia faahuru e ia ratou. Mai te mea, e mea haumani te vahine, mai te mea, e mea faariri noa te vahine, mai te mea, e mea taehae te vahine, mai te mea, e mea viivii te oraraa o te vahine, te vai nei te evanelia ia fanau faahou-hia ratou e ia ora i te hoê oraraa paieti mau. Ua ite au e, te vai nei te mau taata, i roto i te ao nei, o tei parau e, eita roa e tia ia faahuru-ê-hia te oraraa o te taata nei. Ia parau ratou i te reira paran, te parau nei ia ratou e, aita to Iesu emana no te faahuru-ê i te oraraa o te taata nei. Ua ite ontou, e ua ite atoa hoi au e, o te taata o tei farii i te parau faaite no nia i te Atuaraa o Iesu Mesia e riro ia oia ei taata tei faahu-ê-hia.

Ua na o māi te hoê taata papai buka Baratane, i roto i te hoê o ta'na ra mau buka no nia i te oraraa i faahuru-ê-hia ra: "1.900 matahiti i mairi na faahuru-ê-hia na taata Hoê ahuru ma piti, hoê ahuru mā piti taata rii noa, i te oraraa o te ao atoa nei tei faarii ia Iesu Mesia," Aita ta ratou e ninnin paraparau, aita ta ratou e uira, aita to ratou e pahi anahi, aita hoi ta ratou e pereoo uira, maori ra te ravea noa iho no te haere noa na raro e te aparauraa'tu, area ra na haere atu to ratou mana na te ao atoa ra, e na te mau haapiiraa a Iesu Mesia i faahuru-ê i te oraraa o te mau tane e te mau vahine hoi.

I te tahi mahana ua haere van, e to'u nei hoa o Makay vahine, e farerei i te mau taata oovi i to ratou ra vahi. Ua iho roa to ratou mau tino i taua ma'i ra. O te hoê ra i rotou ia ratou, na hau atu ia to'na inoraa i to te tahi pueraa, i te ma'i oovi ra, a parahi ai oia i reira no te rapauraa ia'na na noaa ia'na te parau faaite e, na fanau faahou-hia te hoê o

to'na
i te p
a o I
raa p
pae v
oia ia
o to'
taata
"Ua
tino,
reira,
haam
tia ia
no te
mea t
mau
te faa
kodei

te eka
melo
area
i rave
te va
fatu,

A ha
au. e
faat
mai a
hoê ta

to'na ra man hoa pohe ma'i, na roto i te baptizoraa i raro i te pape e te tiaturi ra taua taata ra e ua aparau faahou mai a o Iesu Mesia, ia Iosepha Semita, i roto i teie nei tau tuuraa parau. Riro atura oia ei taata tei fanau-faahou-hia, i te pae varua, a vai noa, i to'na ra tino i roto i te ino, e ua farii oia ia Iesu Mesia ei Faaora no'na ra, e i te pureraa ta maua o to'u hoa Makay vahine, i faaea i reira, ua tia maira taua taata ra, i rotopu i te mau taata, e ua na o maira oia e, "Ua ino roa to'u na rima e te tahi atu a man vahi o to'u nei tino, i teie nei na'i, noa'tu ra i te reira te oaoa nei au i te reira, no te mea, o te mea ia i tia'i ia'u ia faaroo i te mau haamaitairaa o te evanelia i faahoi hia mai." Aita'tura i tia ia'u ia tapea i to'u roimata ia tahe i nia i to'u nei mata no te parau faaite a teie nei taata ma'i. Ua ite oia no te mea ua noaa ia'na te ite e, te ora mau ra te Atua, e o Iesu mau a te Mesia, e na riro hoi Iosepha Semita ei mauhaa no te faahoiraa mai i te evanelia mai ta Iesu i parau atu ia Nikodemo ra.

I teie nei ua rave rahi o outou tei baptizohia i roto i te ekalesia, tei tunhia te rima no te faariroraa ia outou ei melo no te ekalesia e no te fariiiraa hoi i te Varua Maitai, area ra i te tahi mau taime e mairi tatou i roto i te mau peu i ravehia i mutaa iho ra e ia na reira tatou te ere ra tatou i te varua; aita'tura e tuatiraa i rotopu ia tatou e to tatou fatu, to tatou faaora, o Iesu Mesia e te Varua Maitai hoi.

Ua farerei a'enei au i te hoê taata api o tei na reira. A haere ai i te hoê amuiraa i te fenua ra o Nevada, ua haere au, e te Peretiteni no te Titi, i muri a'e i te amuiraa, no te faatahinu atu i te hoê taata tei pohe i te ma'i. A haere mai ai maua i rapae i te fare ra ite atura maua i te hoê taata o te haere mai ra. Na o maira te Peretiteni Titi e,

teie tana taata ta'n i parau a'enei ia oe ra. I na po ua parahi noa te hoê melo o te apooraa Teitei i pihaiho ia'na no te mea ua taero oia i te ava.

Ua haere tia mai oia ia maua ra e ite atura vau i to'na na mata tei utente roa, e to'na na paparia tei poopoo roa, e a faatoro atu ai au i to'u rima ite atura vau i te ruru rahi tei vai i roto i te taata tei rave i te mau raau faataoto ra. A tapaea ai au i to'na ra rima ua na o atura vau ia'na, "I faatahinu na maua i te taeae ra o Tihoni tei pohe i te ma'i." Maere atura vau i te faaroo raa ia'na i te parauraa mai, i roto i te reo o te taata taero ava ra "Te mana'o nei au eita paha orua e hinaaro i te faatahinu ia'n", e i tana taime ra ite atura vau i te parau a te hoê tei tae roa to'na ra varua i te ino rahi.

Parau atura vau ia'na, "mai a haere ana e tatou i te fare o te Peretiteni e i reira e aparau rii tatou." A parahi ai au i nia i te hoê parahiraa tuu atura vau i to'u rima i nia i te hoê o to'na turi, e ani atura vau ia'na. "A faaite mai na, eaha te peapea." Pahono maira oia, i roto i tana reo huru e ra, "eaha, ua i au i te hops". I tana taime ra ua mana'o ihora vau e, te faaite maira oia e, na rahi roa to'na hiaai i te ava e aita ta'na e ravea no te faaoromai atu i te reira, no reira parau atura vau ia'na, "E mea api a oe: a faarue i teie nei oire, a faarue atu i to oe man hoa. a haere faahou atu i to oe na amaa e a rave i te ohipa mai ta oe i matau i te rave i mutaa iho ra."

Na o maira oia, "Oh., e ere i te ava," Parau atura vau, "aita anei oe e na o mai nei, te rave nei oe i te mau raau taero"? Pahono maira oia, "Oia mau, o te reira ihoa, no te mea aita vau e ite faahou nei i te puai o te ava."

O te reira ia te huru o te hoê taata api, tei roto i te 30 o to'na ra matahiti, te tane e te hoê vahine o tei tiaturi ia'na ra, te metua o na tamarii e piti o te tia ia riro oia ei hoho'a no rana ra, tei tamata i te mau mea oaoa o te oraraa maitai, o tei haere atu i te oraraa o te animala ma te haapao i to'na ra mau hinaaro tia ore. Te reira taata, tei baptizohia, tei farii i te tuuraa o te rima no te horoaraa i te Varua Maitai; taua taata ra, tei tavini i to'na mau taata tupu, i roto i te hanabana, ua haamata oia i te rave i te avaava no te haa maharaa i to'na ra hinaaro, e o tei inu i te ava i muri iho, e i te hopea ua rave i te mau raau taero o tei faatae ia'na i te faaito man o te animala. Te faahiti atu nei au i teie no te faaiteraa'tu e, ia oti tatou i te baptizohia, i muri a'e i to tatou riroraa ei melo no te ekalesia, e mea tia roa ia ora tatou i te hoê oraraa viivii ore ia tia ia tatou ia fanau faahou hia e ia ite i te basileia o te Atua. E no reira, outou te mau melo no te Ekalesia, e te mau melo atoa o te ekalesia, i America, i Europa, i Aferika e to te mau Motu, tei nia ia outou te utu'a rahi ia ora outou i te hoê oraraa viivii ore ia tia i te ao nei, o te faaroo e, eita e tia i te Mesia ia faahuru e i te mafatu o te taata, ia faahuru e i to outou oraraa no to ratou iteraa i ta outou mau ohipa maitatai ra.

Te tapea nei au, i roto i to'u rima, i te hoê hapaina vai. Aita vau e ite nei i te hoê repo i roto i te reira. I to te Peretiteni ra o Murdock horoaraa mai i te reira ia'u, na inu vau i te tahi tuia o taua pape maitai, e te ma hoi, no te ra'i mai. O te reira man a hoi te huru o te taata tei farii mai i te evanelia o Iesu Mesia, o tei baptizohia e tei tanu i ta'na ra mau hara tahito e tei tia mai ei taata api, mai te Mesia i tia mai, no roto mai i te menema, e ua faahia hoi

ta'na man hara e ua tani-roa-hia to'na oraraa a boroa'i oia i to'na ra mafatu i te Mesia. No reira, e au mau tuahine, o te reira atoa te hūn o te aiu iti o te tae mai ia outou, e te mau metua vahine, no o mai i mua i te aro o te Metua, mai ia outou atoa e te mau melo, tei fanau-faahou-hia i te evanelia, ia haere faahou atu outou i to outou haerea tabito ra, te faarepo nei ia outou i to outou mau tino e te faataero nei outou i to outou mau varua e te faaere nei outou, ia outou iho, i te mau maitai te noaa mai no mai i te varua ra. Mai teie nei aiu iti, e tupu oia i te rahiraa, e haere atu oia na roto i te apiraa e tae noa'tu i te paariraa e i reira oia e rave ai i te avaava e te ava hoi; ia rave ana'e te hoê tane, e aore ra te hoê vahine api, i te hoê mea tia ore ra, te haavii-vii ra oia i tana tino ra mai ta'u e faarepo nei i teie nei pape ia tuu atu vanu i te inita i roto ra. O te reira ia tei ravehia e tana taata ra no Nevada a rave faahou atu ai oia i te avaava, e te ava, e i te hopea ra, aore oia e ite faahou atu i te puai o te ava ra, rave atura i te raau faero ra. Ua parauhia mai tatou e te Faaora, e o Paulo atoa hoi, e hiero to tatou mau tino no te varua ra, e e parahi oia i roto i te reira, e ere atura i te mea tia ia faa repo tatou i te reira mai ta'u i faarepo i teie nei vai ma ra i teie nei inita.

Te ite nei au e, te vai nei, i roto i ta outou buka hime-ne te hoê himene nehenehe roa tei na o mai e:

*“Ia tia i te mau tamarii ia ora i te oraraa muoro,
e ia riro ratou ei mea nehenehe e te itoito, ua ha-
apae ratou i te taofe e te ti, aita ratou e i nua ei i te
mua ava e aita ratou e puhipuhi nei i te avaava, e
mea iti roa te inai ta ratou e amu nei; Te onoono
nei hoi ratou ia riro ratou ei mea maitai e te paa-
ri hoi.”*

Ua na o atu o Nikodemo e: "E Rabi, ua ite matou e, e orometua oe mai o mai i te Atua ra; e ore hoi teie nei mau tapaoia oe e rave nei e tia i te taata, auaa te Atua atoa ra."

E ua haamaramarama'tu a o Iesu i te reira parau, e te tiaturi nei au e, ua farii o Nikodemo i te reira, tera ra aita roa te mau paran papai i faaite mai i te reira, e te tiaturi atoa nei au e, ua farii o Nikodemo, e te taata ona, i te bapetizoraa e ua fanau faahohia raua.

A ineine ai au i te parau atu e, a parahi outou, a vaiiho na ia amui atu vau i teie nei maa parau iti; noa'tu i te vahi tamatou e ma'ue atu no te farereiraa i to tatou mau Feia Mo'a. nania i te reva, na nia i te moana, e ia tere atu na nia i te pereoo auahi i nia i te mau fenua papu ra, te vaiiho atu nei matou i teie poroi i te mau feia atoa o tei faaroo ra. Ia haapao maitai outou i te evanelia a Iesu Mesia; ia haapao maitai outou, ia outou iho, na roto i tapea maite raa i to outou mau tino ia ore ia porao e ia repo hoi; ia haapao maitai outou i ta outou mau tane, e i ta outou mau vahine, ia tia ia outou ia ora i te oraraa oaoa; ia haapao maitai outou i ta outou faateraa hau ia riro outou ei hi'oraa na te mau taata; e i nia i te taatoa raa, ia haapao maitai outou i to outou Fatu, to outou Faaora, o Iesu Mesia, o tei haere mai e tei horoa i to'na iho oraraa e tei faatia i teie nei evanelia ia vai oaoa outou, e o vau atoa hoi, i onei. O te poroi te reira a te Haapaoraa Momoni. A vaiiho atu i te mau enemī, tei vai i roto i te pōiri e tei ore hoi i ite i te hoê noa a'e mea, ia parau i te mea ta ratou i hinaaro ra.

Te haamaitai atu nei au ia outou ia tia ia farii outou i te oraraa maitai, ma te faarahihia to outou faaroo; Te haamaitai nei au ia outou, ia rahi atu to outou hinaaro i te tavini atu i te Fatu, i teie nei mau tau i mua ra. Te haamaitai atu nei au ia outou ia tia i to outou mau Amaa ia rupe-rupe e ia rahi hoi i roto i to outou taviniraa'tu i te ekalesia, e te rave nei au i te reira na roto i te i'oa o Iesu Mesia, Amene.

LA BRANCHE FRANCAISE

Bonjour! De temps en temps nous aurons un article en français pour ce journal, TE HEHEURAA API. Peut être, nous pourrions toujours l'avoir si vous, qui sont nos lecteurs, l'aimez. Pourquoi avons-nous cet article en français? Parce que nous espérons bientôt fonder une branche française de l'église de Jésus-Christ des Saints des Derniers Jours à Papeete. On en a toujours parlé pour la plupart, le tahitien dans nos réunions, mais il y a beaucoup de personnes qui parlent français seulement et qui désirent aussi entendre l'Evangile. En conséquence, il y a deux missionnaires qui apprennent le français et bientôt nous aurons des réunions par nous mêmes au salon de la mission mormone. Maintenant nous avons une classe française dans la branche à Papeete où on parle français seulement et nous invitons cordialement tous ceux qui désirent entendre les enseignements de notre église absolument gratuites. Si vous avez des amis qui ne sont pas membres de cette église, dites-leur de nos réunions qui se font les dimanches matins et aussi nos plans pour la branche française.

LA RESTAURATION DE L'EVANGILE DE JESUS - CHRIST

Les premiers missionnaires de l'église Chrétienne Primitive avaient un grand message. Ils l'accomplissaient d'une manière simple et directe et rien ne pouvait les en détourner. C'était: Jésus est le Fils de Dieu, le Messie.

Ceux qui acceptaient Jésus comme le Christ, acceptaient aussi naturellement les vérités qu'Il enseignait. Et ils acceptaient aussi les vérités qui étaient révélées par Lui à Ses serviteurs, les Apôtres, avant et après Sa résurrection.

Ceux qui refusaient de reconnaître les prophéties à l'époque de l'Ancien Testament, rejetaient aussi Jéhovah.

Ceux
vie su
d'acce
rejetai

A
aussi i
il doit
refuse
Smith
d lui
appelle
Messie
Joseph
nature
fondu.

De
Christ
est un

I.

II

II

IV

V.

Ceux qui refusaient de reconnaître le Sauveur pendant Sa vie sur la terre rejetaient aussi le Père. Ceux qui refusaient d'accepter les Apôtres après la résurrection du Sauveur, rejetaient à la fois le Père et le Fils.

Aujourd'hui, notre message est tout aussi simple, tout aussi important, tout aussi vrai. C'est le même message; et il doit être répandu d'une façon aussi directe. Ceux qui refusent de reconnaître le prophète du Seigneur, Joseph Smith et d'accepter notre église d'institution divine aujourd'hui rejettent en même temps le Père et le Fils qui les appellent. Si on accepte aujourd'hui Jésus comme le Messie le fondateur du plan de l'Evangile; si on reconnaît Joseph Smith comme Son prophète, on acceptera aussi naturellement les vérités qu'Il a établies et l'église qu'Il a fondue.

Donc, notre premier message doit être: Jésus est le Christ: Son Evangile a été RESTAURE, et Joseph Smith est un vrai prophète de Dieu.

- I. La Bible nous apprend comment Dieu a guidé le monde aux diverses époques. Comment l'a-t-il fait? (Par Ses prophètes, par des visitations célestes, par des révélations.)
- II. Dieu pourrait-il diriger les hommes sans leur révéler Sa Volonté? NON.
- III. Pensez-vous que les révélations ont cessé avec les apôtres?
- IV. Est-il surprenant que de nombreuses Eglises soient constituées sans unité et pratiquant l'intolérance? Si l'humanité a repoussé les directeurs du Seigneur et a perdu le sens de la vérité Dieu ne devait-Il pas donner une nouvelle chance aux générations modernes?
- V. NE SERAIT-CE PAS LA JUSTICE MEME?

Je vous déclare humblement et cela du fond de mon cœur que le témoignage de Joseph Smith est vrai. Je sais que Joseph Smith a réellement vu Dieu en vision et qu'il a reçu une réponse à ses questions. J'espère que vous aussi avez un témoignage de l'Evangile, du témoignage de Joseph Smith et de la divine mission de Jésus-Christ. Si vous ne l'avez pas, je vous demande de vous mettre à genoux tous les soirs et de prier Dieu mais pas à un esprit mystique mais à notre Père qui est aux cieux. Demandez-Lui en toute humilité, sur toutes ces choses, en ayant le désir de connaître la vérité.

“Demandez et vous obtiendrez; Frappez et il vous sera ouvert.” Comme Joseph Smith lut:

Si l'un de vous manque de sagesse, qu'il la demande à Dieu, qui donne à tous libéralement, sans rien reprocher; et elle lui sera donnée.” (St. Jacques 1:5)

Ecrit par Thomas Stone

Parau Aroha.

E to matou mau hoa faaroo i roto i te Evanelia a Iesu Mesia i te Feia Mo'a i te Mau Mahana Hopea Nei, te faatae atu nei maua, e ta maua na aiu rii i fanauhia i Tahiti nei i to matou aroha tumu no roto roa mai i te aanu, e o te ore roa e tia ia faaite atu i tana huru ra.

No reira te pure nei maua i te Atua ia vaiho noa mai i Ta'na mau haamaitairaa i nia ilho ia outou.

E te parau atu nei maua ia outou ia tauturu maitai, e ia farii maitai atoa hoi i te mau faaueraa a to outou na piresideni api. Mai ta outou i na reira ia maua; O ta maua ia pure i te Atua na roto i te io'a o Iesu Mesia Amene.

Reri e Luci, e aiu mâ.

Parau Taa-ê-raa.

A hope ai te tau Peretiteniraa o Leri e Luci, i teie Mitioni. Ua faaineine i hora raa i te mau ohipa atoa, no te tuu atu i roto i te rima o te Peretiteni apî.

A faatere ai raa i te mau ohipa o to raa ra toro'a na rave itoito noa raa i taua mau ohipa ra. Noa'tu te mau fifi i tae mai i nia i ta raa mau ohipa, na oti maitai roa ta raa tufaa ohipa.

E homa e, e tupu paha to outou maere, e mea varavara roa te huru mai teie.

A tae mai ai oia, e ta'na vahine, e orometua noa raa e i roto noa i tana toro'a ra, na maiti faahou-hia raa ei Peretiteni Mitione.

E rave rahi te mau ohipa maitatai ta raa i faatere, o raa hoi tei farii mai i to tatou Peropheta, o te hoê mea rahi a'e te reira. i tupu i to raa tau. Teie atoa te tahi ohipa oaoa ta raa i farii mai, oia hoi, na fanau raa e piti tamahine tahiti mau, oia hoi, o Hina e Mohea, e na i'oa topa-hia teie e te tahi mau melo o te Ekalesia, ei tapao no te vahine tahiti.

E homa e, i roto atoa i ta raa faatereraa na faatia-hia e piti Amaa apî no te Ekalesia, i te pae i Raiatea mâ. E te tere nei tana na Amaa ra i mua.

E rave rahi atoa ta raa mau melo i bapezito.

I te 8 no Tiunu na faatupu te mau pupu no te Amaa Papeete i te hoê fariiraa no raa e na aiu rii.

E reva atu raton i te 20 no Tiunui.

Te parau atu nei te Heheuraa Apî e ia haamaitai-hia outon e te Atua, i to outou tere na te reva.

Te Hiero I Roto Miti

E maha mahana i mairi a'enei i te taeraa o te mau melo o te Ekalesia i te vahi medebara i pihaiho i te roto, o tei paranhia, Roto Miti, ua na ô maira o Birikama Youne e: "O te vahi teie e patu ai tatou i te Hiero no te Atua."

Tei te 28 no Tiurai i te matahiti 1847 taua parau ra, i te parau-raa-hia, e ua haamatahia taua ohipa ra, i te matahiti 1853, tera râ, aita i faaoti hia e tae noa'itu i te matahiti 1893.

I taua tau ra e mau taata viivii roa te mau melo, e no te rahiraa o taua ohipa ra, ua maoro hoi te faotiraa o taua fare ra. Teie te faito no to'na rahi, oia hoi 63 metera to'na roa, 40 metera to'na aano, e 35 metera te teitei o te mau papai e te teitei no te "tour" e 70 metera ia. E tei nia i te "tour" i te pae i te hitia o te râ te hoê tiki no te melahi ra o Moroni o tei horoa mai i te Buka a Moromona i te Perophta Iosepha Semita.

Te tae noa mai nei te mau taata no te mau fenua atoa ia mataitai baere i rapae i taua fare ra, aita ra e tia ia ratou ia tomo atu i roto, maori ra, ei melo mau ia ratou no te Ekalesia a Iesu Mesia no te Feia Mo'a no te Mau Mahana Hopea Nei, e o ratou ana'e ia o te mau i te hoê parau faatia i papaihia e to ratou Epitekopo o te faaite e, aita ratou e haapao ore, e aita atoa ratou e inu i te ava, e aita'toa hoi ratou e puhipuhi i te ava ava.

E te ohipa e ravehia nei i roto i taua hiero ra, o te ohipa ia no te mau taata e ora nei, e no ratou atoa o 'tei pohe ma te ite ore.